

四庫全書

史部

欽定四庫全書

史部

三吳水考卷五

四

詳校官監察御史

臣周元良

刑部郎中

臣許兆椿覆勘

總校官檢討

臣何思鈞

校對官編修

臣沈清藻

謄錄監生

臣鰲圖

欽定四庫全書

三吳水考卷四

明張內蘊周大韶撰

松江府水利考

小序

松江僻處一隅，中窪外亢，大海遠其東南，吳淞江環其西北，黃浦、澱泖橫貫於江海之間，諸湖蕩漾，與泖、澱聯屬者，不可殫述。太湖及浙境諸水會而入焉，以達於海，蓋水都也。今考境內來源，澱湖西

北有急水朱沙二港西納白蜆江陳湖諸水由沈
龍河蔓萊洲沙田湖南沙蕩東入於澱湖澱湖西
南有冷灣白溪港楊廉蕩雪落漾龜蕩及汾湖三
白蕩諸水由金澤塘南北橫港南陳西陳東陳任
鄧羅家扇李家柵薄家蔡家毛練等蕩分流濮陽
大蒸小蒸章練曹墳等港入于三泖澱湖東南有
爛路港山涇港合連湖瓢湖西青東白金銀等蕩
引湖水東流亦入三泖澱湖東北有大曹港踏開

河吞湖水東行合何家港斜漚港三分蕩經青浦
縣城入于橫泖復合顧會浦祥澤塘南盤龍諸水
並由蒲漚塘入於黃浦分支北行者合崑山界中
諸水由內勲會仙大小趙屯大盈艾祁崧子華漕
赤鴈等塘北盤龍北橫漚入於吳淞江三泖之名
圖經以近山漚者為圓泖近泖橋者為上泖自泖
橋而南者為長泖其說不可易矣圓泖東出為葑
澳塘走馬塘橫山塘東西山漚分流神山塘橫浦

塘南曹港柘澤塘諸家塘沈涇塘通波塘亦入橫
塘橫泖以流入於蒲漚塘東出為古浦塘為斜塘
為石湖塘為黃橋門為滕港為泖橋塘朱涇塘並
溢出秀州塘入於黃浦三泖西南有嘉善塘平湖
塘納杭州嘉興諸水北由白潮涇白牛塘楓涇徐
涇入於三泖東行者由界涇橫泖分流漚瀆胥浦
等塘和尚麴杖等港大小茈塘前後岡塘歸涇高
蔣涇橫港泖港折入驅塘秋涇掘槌涇石湖浦張

涇鄉界涇入於黃浦鄉界涇之東為亭林港顧厓塘祝家港望湖涇鹽鐵塘南橋塘蕭塘港上下橫涇方西塘淺沙塘並南承山塘曹涇諸水北由得勝港沙竹岡金滙塘閘港入於黃浦此華亭浦南之水道也閘港之北為下沙浦馬路港都臺浦鹹塘並上承沿海各竈諸團之水西由鹽鐵塘沈莊塘周浦塘三林塘楊思港黃縑淒等港西入於浦此上海浦東水道也浦之西北自李塔滙分支者

則有南錢港蔣涇張涇米市塘官紹塘南俞塘鹽
鐵塘語兒涇沙岡塘竹岡塘橫滙北俞塘洞涇駟
馬塘六磊塘車溝塘新村塘吳店塘烏泥涇華漕
龍華港入栳港此並華亭上海二境自南迤北而
東入於浦者也江南水道為新涇為上澳浦沙浜
大盧浦小盧浦閘港過大黃浦為洋涇為西溝浦
馬家浜東溝浦張家浜界浜江北水道為牧瀆港
上澳浦桃樹浦徐公浦下海浦曲浦陽樹浦尹祥


港走馬塘此上海北境之水合於浦而通於江者也合而論之沿海堤身高仰畏旱松與蘇等爾蘇則密邇大江水性平淡土脈未為甚瘠松江沿海鹹潮浸漬地皆斥鹵矣瀕湖水鄉卑隲畏潦松亦與蘇等爾蘇雖下下低田歲收蒲荷菱芡之利松之水田僅宜於稻潦則遂絕望矣故不論歲之豐凶大都松江歲無全稔蓋地同而利害迥異者殆不可不察也夫地利不齊惟人工可以濟之故築

隄防疏溝洫在他郡均不可緩然松視蘇為尤急
云

松江府水利總圖

界湖平





松江府水利節目

松江屬邑有三地勢宏窪東高西下萬水所湊滙澤成湖乃水之都會也賴以洩瀉者吳淞黃浦二江焉黃浦遶郡之南吳淞附郡之北合流上海之澹口以入海則松江為七郡之關鍵可知矣二江引潮汐奔衝高仰之鄉畝引灌溉利雖弘博設遇雨澤浹旬則潮勢抑回湖水洄洑境中為患尤棘故上青二邑之利害相懸而華亭各兼其半有潮去處地高水窄河易

湮淤濱湖之鄉地卑勢下湖水易溢本院廉得其故
首開秀州官紹蒲匯等塘引三泖之水南行而入黃
浦繼浚大小山涇橫泖蟠龍等塘引澱湖之水南入
于浦北入于江疏三泖河金匯塘都臺浦白蓮涇孔
宅涇等河者使旱有所資也治澹開河杜疾港秀州
塘之草灘者使澇有所洩也泖涇為鹽鐵之害者則
壩之以正其本源薛家浜為城濠市河之害者則開
之以司其出入于松江之可見者大端如此其濬支


渠築圩埂之政不在是焉

欽定四庫全書

卷四

華亭縣水利圖

三興水考



華亭縣水道考

海 在縣治東南境去城七十里東自青村所西抵獨山凡一百四十里其勢浩蕩無涯以海塘為障一有疎虞膏腴斥鹵一郡利害實係於此宜歲加修築焉

黃浦 在縣東南境西起秀州塘名橫潦涇納泖澱諸水東行至詹家滙名瓜涇塘其實皆黃浦也至閘港北折入上海界浦環境內凡九十餘里

三泖 在縣西與青浦分界西受嘉興及澱湖諸水由

東西山涇古浦塘斜塘石湖塘滄沙黃橋門泖橋等處入於黃浦

秀州塘 在縣西南源出杭州歷嘉興而東過張涇匯東北行至楓涇鎮入縣境過白牛塘絕長泖合泖橋水抵朱涇出萬安橋北流合滕港水黃橋門水由橫潦涇以入黃浦下支源從圓泖來由古浦塘東行至問俗亭南折合石湖塘水過李塔匯又合斜塘水亦由橫潦涇以入黃浦問俗亭迤南一帶約二十餘里

沙淤成灘塗田日闢萬厯六年題請南自黃橋門北至問俗亭疏治長二十餘里補築塘岸傾圯者三十餘所水復故道行者稱便

官紹塘 在郡城南水關外受城河及斜涇諸水入登山水橋南行過呂巷普濟二橋又過南倉演武場丘涇又東過御史涇合泖涇入浦舊因潮沙淤淀形如平陸於萬厯六年大濬深闊一支自倉河轉角處分流南行過打鐵橋入黃浦為小官紹塘

泖涇 在縣城東三里掣引鹽鐵蟠龍南北俞塘水南
行合官紹塘入黃浦勢甚洪壯而鹽鐵等塘之旋開
旋塞坐其分奪之故今於萬曆五年壩截泖涇北口
而蟠龍俞塘諸水並由鹽鐵塘行矣

鹽鐵塘 在泖涇東自呂塘廟迤東入黃浦淤壅不通
將十餘里於萬曆六年疏濬深闊截浦而南直抵曹
涇之捍海塘矣

蟠龍塘 在縣東北自鹽鐵分支從華陽橋北行經北

俞塘六磊塘泗涇至橫塘入青浦界在縣境者潮沙
淤溢於萬厯七年自南蟠龍橋浚至北蟠龍橋止長
十二里

泗涇自祥澤塘折北而東納通波塘外波涇洞涇北
張涇四水故名東合盤龍塘北行絕橫塘折而東為
蒲匯塘

蒲匯塘 在縣東北三十五里與青浦分界首受盤龍
泗涇橫塘諸水東流過沙竹岡橫瀝東入上海界由

龍華港入於黃浦萬歷六年開濬通利

大泖以西水道具載青浦考下

大泖以東及府城以北水道 西山涇在葑澳塘東崑

山橫雲之間南通古浦塘過崑山絕走馬塘過橫雲

山絕秀溪塘北入漕港入港處又名竹管涇 東山

涇其南所至與西山涇同北入橫雲山小山門至機

山南別為秀溪塘西接竹管涇至於山北別為擦樹

涇東流與柘澤塘合其西亦接竹管涇合為漕港

走馬塘其源自圓泖來東行至橫雲山前為橫山塘東
絕沈涇塘為橫浦經富林市南連接丘涇八曲諸水
東為七里涇入顧匯浦 徐村塘馬墩涇並南通古
浦塘北通泖子涇 尤墩港陸家浜並南通古浦塘
北通浪墩涇內陸家浜萬厯七年浚 八曲港在縣
城北一十八里富林西秀野塘北 沈涇塘在縣城
西五里南自秀州塘合古浦塘東行至秀野橋北行
西為黃泥漕為浪墩涇東為沈村涇又北為褚菴港

過沈涇塘橋至富林西合橫山塘東合橫浦自橫浦
北流為神山塘又北為八曲港自富林西北入鍾賈
山北行至永安橋為柘澤塘入青浦界其一支西來
循雲山南麓而東者曰橫浦塘櫻株灣在焉過山涇
為秀溪塘西接於葑澳塘黃泥漕在沈涇塘之西
北為浪墩港又北為褚菴港東為二里涇南接採花
涇小清河在秀野橋東循西林寺東垣入白龍潭
白龍潭在縣西北南通小清河北通二里涇東出與城

河合北為採花涇 褚菴港自沈涇分支東流有曲
涇自白龍潭來會之貫穿陳沈村周家草諸聚落間
南連採花涇東入顧會浦其入處曰二里涇其傍近
曰練家浜黃家港沈家浜大塔浜金家浜浦家浜

通波塘 自縣西中亭橋下北流出通波門橫山沈涇
塘諸水自西來會之迤北為顧會浦近城以北淤淺
里許萬厯八年開浚 顧會浦南接通波塘北流為
五里塘又北為祥澤塘遂別為崧子浦北出為鳳凰

橋絕橫泖至幹山入青浦界 集賢涇在通波門外
東自城濠外支北流經郡厲壇後東合於洞涇其北
五里塘也 五里塘在顧會浦東斜對二里涇東流
與洞涇合 祥澤塘在五里塘北自顧會浦分支東
流北由玉皇閣與崧子浦合遂東為泗涇 洞涇自
張塔橋北行貫北俞塘入泗涇 北張涇在洞涇東
其南接俞塘北入於泗涇其東即蟠龍塘也

秀州塘南及長泖西水道 白潮涇與嘉善分界南引

嘉善諸水北入秀州塘 白牛塘南承嘉善諸水北
入大泖 楓涇在縣西南四十七里承白牛塘諸水
東過泖橋由朱涇下秀州塘 界涇在縣西南平湖
之北境東為胥浦塘北為大范塘為麴杖港馬庄港
為東西徐涇為洋涇為游涇為北諸港為梅林涇蔣
巷涇莊公塘西為野民涇過白牛塘接嘉善界並北
入秀州塘其東南為橫泖 大范塘在縣西南界嘉
善華亭間東流入於長泖

秀州塘北及塘西水道 古浦塘西引泖水東行一十八里逾跨塘橋循問俗亭而南入於秀州塘 斜塘西北自古浦塘分支東南行合石湖塘水由斜塘橋出秀州塘 石湖塘西引泖湖水一出斜塘橋一支合北錢港水出石湖橋 黃橋門在斜塘橋南吞吐泖湖水惟此為寬廣徑直 泖橋在朱涇西跨長泖之上北引大泖南合長泖東出朱涇塘

黃浦南水道 橫泖其源自當湖長泖來界平湖華亭

間其支流為華家涇丁家漾為泖港其東為秋涇

白涇在秦山塘南源自平湖來東北流由周倉浜入

沈涇一支東北流為惠高涇為彭巷港其東為朱家

漚北為處士涇又北為謝墳涇為西帆涇東為東帆

涇北為胥浦塘又北為石臼浦北入瀝瀆塘 瀝瀆

塘一名橫涇亦自長泖來東行過帆涇北入胥浦塘

山涇在秦阜山承山塘白涇二水北下入於干巷

港

胥浦塘自長泖接界涇而東盡納惠高彭巷處士漚瀆
諸水絕石臼浦至張涇東為前岡塘其北流絕歸涇
出朱涇鎮西為徐涇鎮東為驅塘出太平寺前為掘
捷涇 呂巷塘在縣西南五十里承長泖及胥浦塘
諸水滙於干巷港

歸涇 在胥浦北亦自長泖來西接大范塘東流絕徐
涇驅塘東為橫塘至張涇東為後岡塘南有水五岐
合流貫徐涇東入掘捷涇曰五丫港入於朱涇東由

石臼浦一支北下為驅塘過米涇東注為掘捷涇入橫潦涇一支承褚涇而東至於張涇北逾米涇西徐涇與驅塘東會於橫潦涇 驅塘自胥浦北流絕五了港歸涇過朱涇鎮北入橫潦涇 掘捷涇亦出自胥浦北流至橫潦涇止

朱涇 在縣西南二十七里承嘉善平湖長泖諸水貫市橋東流絕驅塘至張涇東為橫涇又東為蕩涇其北流者入於橫潦涇 石臼浦接山涇北流絕胥浦

入橫潦涇東至西浦為漕港為前鳳涇為東淞浜西淞浜東淞之北為蔣淞涇東與張涇合蔣淞北絕橫塘入市涇者曰小張涇東南為新運鹽河

柘湖 在縣城南七十里廣五千七百一十頃南由小官浦入海東通金山等處今為涸壤柘湖東去十二里為金山港上有金山營又東十二里為菊花港一名胡家港又東北五十里曰蔡廟港俱護塘外

三汊河 在金山營西三里西自平湖界新倉秦望山

諸草蕩發源內地涸燥北引張堰潮水以資灌溉港
汊淺狹蓄洩病焉於萬曆六年七年兩次加浚民乃
復業

舊運鹽河 在縣城南六十里舊通番舶由柘湖出小
官浦入海東連徐浦塘與蔡廟菊花金山等港相接
今築捍海塘並沒為鹽場草蕩

新運鹽河 在金山衛城北流經張堰鎮西為張涇過
前後岡塘高蔣涇廟涇泖港從詹家匯出瓜涇塘遂

絕而北接駱家浜為鶴塘涇為蘆涇東北與米市塘
接折而北至張涇橋與城河接長六十三里凡西南
諸水皆由之以入浦

按運鹽河凡三自張堰而北為西運鹽河亭林南
有鹽河通鹽鐵塘者為東運鹽河其單稱運鹽河
者乃在青村西耳

徐浦自舊運鹽河分支東行草塘間厯浦東場漕涇
市至崇闕止

高家涇在張堰東護塘下北流為後涇為黃泥淩西
入於張涇東為白泖涇再東為沈湖涇又東為泖港
白泖自護塘北流過前岡塘為潘涇至橫涇止 沈
湖涇泖港自護塘北流至前岡止其水自胥浦塘折
北而來又西北為楊樹淩吳塔涇俱北入吳家溜東
為界涇北為趙巷港奉賢涇東為招賢涇又東為龍
泉港北通運港由亭林鎮前東下入鹽鐵塘東北為
得勝港入於黃浦白泖之西為黃墳涇東通泖港西

合後涇北流至後岡止黃墳之北為顧胥浦 顧胥
塘自白泖涇東流絕沈湖涇洮港為善涇至奉賢涇
北為上橫涇其西北為前岡塘 前岡塘自張涇接
胥浦塘東流絕黃墳涇至白泖涇折北而東至亭林
入方西塘其西一支斜入張涇曰丫叉涇其東自沈
湖涇東北流為千步涇過蕩涇為楮石涇過廟涇為
吳家溜為小官紹塘北入瓜涇塘 後岡在縣城南
四十里西接橫塘引張涇東下之水與前岡塘合

橫涇西接市涇自張涇東流過潘涇東為蕩涇入千
步涇北為高蔣涇又北為廟涇又北為泖港入小官
紹塘南為盛家灣東北為張蕩北為鄉界涇米市塘
內橫涇萬厯五年浚 高蔣涇自張涇東流過松隱
寺北流為鄉界涇為米市塘東北為蓮花朶與廟涇
俱入小官紹塘蓮花朶之南為洋涇北為中洋涇又
北為北洋涇並東流南入方西塘北出祝家港入於
黃浦

泖港 亦自張涇東流過東西積錢港絕米市塘為東
泖港斜入小官紹塘故一名斜涇米市塘西南即盛
家灣斜涇盡處一水通廟涇為古謝泖官紹塘之東
為化成菴古胥顧泖也爛涇在其南 爛涇西承長
泖張涇諸水東入米市塘自來為吞吐要樞朱涇在
其西北張宅鎮在其東南 米市塘自東泖港口北
流絕爪涇塘過盧涇歷黃耳祠北與張涇接並入於
黃浦

爪涇塘 在縣城南九里西承橫潦涇南承米市塘北
受詹家匯以北諸水入於黃浦 奉賢涇在洮港東
北流入運港其西為新港北入善涇逶迤西北行為
楊樹淩為吳塔涇至亭林與運港合北入方西塘善
涇之北為吳家溜東為界涇又北為鹽河為趙巷港
東為下橫涇內奉賢涇萬厯九年浚 招賢涇在奉
賢涇東萬厯九年浚 龍泉港在招賢涇東並北通
運港萬厯十年浚 鹽河在界涇北東流入鹽鐵塘

上橫涇在亭林鎮南水自奉賢涇東流絕鹽鐵塘而東歷胡家橋至柘林市東入柘漚塘萬歷七年浚下橫涇在上橫涇北亦自奉賢涇東流過法華橋東南入胡家橋與柘漚塘合承鹽鐵塘東下西接洋涇西北通爛涇入於黃浦萬歷七年浚運港自亭林鎮前東流入鹽鐵塘自鎮東折北為白龍潭為吳沖涇東北通葉謝鎮鹽鐵塘之東淺沙南橋諸塘也方西塘自亭林西北流為祝家港東北入鹽鐵塘西

通洋涇西北通爛涇爛涇北流為泖涇自化成菴東北流入瓜涇塘與大泖涇對俗呼斜涇

俞江塘又名俞涇塘在縣東南七十里自漕涇北流絕上下橫涇與鹽鐵塘合北入望湖涇淺沙塘在下橫涇北西通鹽鐵塘東流為舊涇過沙岡為新塘過崇闕入金匯塘止

沙岡 在黃浦南曰南沙岡北曰北沙岡地多沙脊以故得名南沙岡北引浦水入腹為利南截南橋塘直

抵柘林所潮沙淤塞灌溉失資於萬厯七年疏浚深
闊西通渠漕東接竹岡南橋塘在淺沙塘北東流
過沙竹岡橫瀝從令涇金滙塘東通青村港自沙岡
西北流為盧涇為姚涇遂為巨漕絕黃浦而北至六
磊塘止萬厯八年浚望湖涇在南橋北東入千步
涇北入於黃浦其北為蔣家浜為秋巷涇為洞涇其
南為俞江塘蕭塘港在望湖涇蔣家浜北自葉謝
鎮月河橋下東流入金滙塘由岡涇塘出黃浦其支

渠北流為新涇為長淩為清水港東流為顧莊塘萬
歷八年浚從令涇在橫瀝東其南通上下橫涇曰
柘瀝塘至捍海塘止北流絕南橋諸塘入浦隔浦與
櫻桃河對和尚塘南起捍海塘西北流東通陸江
塘及青村港西流入金滙塘

金滙塘在爛涇從令涇之東其南接和尚塘北流過
金滙橋西折為倪家灣北為岡涇塘入浦渾潮沙淀
於萬歷六年疏治深闊其支渠著者曰百曲港百

曲港自金匯橋塘東流其南為車溝塘入郭家塘北
為雪塔港又北為盧溝為菴港並東入運鹽河港之
曲折最多因以得名 運鹽河有二一自青村鹽倉
源自中所前北流一支由沙岡塘出西為盧涇入於
黃浦一支西南通和尚港入金匯塘北接百曲港盧
溝諸水遂北為橫港為蒲撻涇西合倪家灣由岡涇
塘出浦一支北流自蒲撻涇北為魯家匯由閘港出
浦衛家溝邵宅溝並在其東其一自下沙場東循海

塘北行以通諸團鹽運每團各有支渠其北至青浦止
閘港自新場西流入黃浦其入處乃浦之折而北行處
新場之東去海不遠論者指此為東江入海之故道下沙浦在其北

黃浦北及府城南水道 小橫潦涇西引秀州塘水東
南入於黃浦 南錢港源出秀州塘自李塔滙分支
東行散入村落間為呂岡涇出秀南橋為蔣涇出蔣
涇東過超果寺與瑁湖南口合東入城河與張涇合

南入黃浦

鶴塘涇在縣西南三里北承秀南等水東南出詹家
匯會沈涇南入瓜涇塘 張涇在府城南納郡城西
來諸水合米市塘南行入於黃浦 御史涇在東門
外首起南俞塘明星橋下其北為斜塘萬厯七年浚
語兒涇在沙竹岡之西與上海分界北受郡城及
蟠龍塘諸水南入黃浦

城中市河 舊西湖在城西南隅一水縈紆自太平橋

西行環中所演武場而匯於其北渟浸可百餘畝上有西湖道院小湖在西湖北一灣今谷陽門內德豐橋南有陂澤即小湖也日月河在鶴城書院西有月河橋東有水從市河南行遂轉西北出橋下灣環如半月普照寺東有水從市河南行折而東過周文襄祠至清河橋北行復合於市河一水自文襄祠後厯開禧橋橫亘之其形如日字故云日月河丘家灣循府後牆東南行出東亭橋與米市橋莊老橋


二水合流出東門 玉帶河橫貫府學中當尊經閣
後魁星樓前如腰帶然故名其源自仙鶴觀西北行
轉而東與集仙門水合 牛市涇在玉帶河北西通
徐家橋東至龍門寺 施家漾延慶寺前及左右河
渠通東南二門者皆漾之遺跡也

龍淵在府南龍門寺東北積水泓澄大旱不竭

已上城中河道向失修理而縣前市河西自楊家橋
東抵亭橋俱被市廛剝築上建橋亭阻碍尤甚於萬

歷五年責令釐革疏通各皆深利行者稱便

上海縣水利圖



上海縣水道考

海 在縣治東七十里賴捍海內外二塘以蔽鹹潮之內入吳淞江與黃浦會而入焉其會處曰蹚口

吳淞江 去縣治三里相傳及志載江身舊濶二百餘丈今之舊江乃其所淤為二實一江也自縣治東北宋家港口迤從嘉定青浦入崑山界共長百餘里淤不通舟夏尚書相度難治權於夏駕浦開通以達至和塘而江之東段因棄民流矣江水亦從新洋江北

行并所開之西段日就湮塞隆慶間巡撫海公東自
宋家港口西至黃渡鎮浚及六十里黃渡以西四十
餘里功未及施而止然陳澱諸湖蕩漾之水猶未與
江相接上海嘉定之利雖興而長吳崑青之害未已
也今於萬歷五年疏請自黃渡鎮西闕家墳開起直
抵慢水港以及澱湖諸口北浚大瓦夏駕吳塘安亭
等浦南浚趙屯蟠龍橫瀝等塘導水入江仍於分奪
江源去處各置石鍾啓閉以時歸宿湖水入江由崑

山入青浦入嘉定出宋家港與黃浦之水相合直出老鶴嘴以納於海僉謂湖水可滌潮沙江無淤塞之患矣

黃浦 源出嘉興并湖州鶯脰等湖起自郡城西南接秀州塘水東流入縣境又迤而東以納南北兩涯之水至鄒家寺滙折而北行納東西兩涯之水至縣治東合吳淞江東北行以入於海

蒲匯塘 在縣西南十八里西受泗涇蟠龍橫泖等水

東行過七寶鎮至盧浦歷漁菴渡東分一支入縣城者曰新港南過漁菴渡而入黃浦處曰龍華港自青浦界龍車庵直抵浦口淤塞不通將四十餘里於萬歷五年七年兩次開浚通利復故

新港 在蒲匯塘東由蒲匯塘分支匯郁家宅入肇嘉浜以達縣治為入府城之要道可免波盜之虞淤漲平岸於萬歷七年十年兩次開浚水得通利舟楫晝夜不息

黃浦以北以西水道 語兒涇在沙岡西與華亭分界
語兒之東即紫岡又東為韓倉港姚港 六石塘於
萬歷六年疏浚自蟠龍分支為南北俞塘為車溝東
北為新村塘為吳店塘為張家塘其北為夏家浜東
流為廟涇為新港為華涇為烏泥涇東南為華漕北
為八尺港並東入黃浦 沙岡塘在蟠龍塘東其南
絕黃浦至捍海止北入吳淞江 駟馬塘並在蟠龍
東其北通六磊塘至橫塘止紫岡之西為沙岡東為

竹岡為橫瀝為新涇新涇之南為櫻桃河也 竹岡塘在沙岡東首尾延亘如一至蒲匯塘而北別名小涑浦萬歷八年浚

橫瀝 在竹岡東其南所至與竹岡同北絕吳淞江入嘉定界踰太倉歷常熟直至江陰而止於萬歷七年開浚 櫻桃河去縣西南五十五里在新涇南 烏泥涇其上有鎮北為鄭家漕為漕湖涇再北即龍華港其北為灌涇為入挿港陸家浜薛家浜徐巷浜肇

嘉浜方浜南北侯家浜南北楊浜並自西而東納於
黃浦方浜肇嘉之間為縣城又東為下海浦曲浦楊
樹浦尹祥港 上海浦在縣治東北即大黃浦下流
合江處

黃浦以東水道 閘港在縣東南九十五里承青村新
場灣洲三路之水西流入於黃浦舊設有閘今水深
而閘不可設矣 下沙浦即鹽鐵塘自宋通判曹泳
開港浦一十八改名下沙浦浦之北流為鹹塘東為

都臺浦又其東即運鹽河浦之南為新港為浦捷涇俱西入浦

鹹塘 自下沙場北流絕沈庄周浦三林諸塘通中新河橫汚港西入黃淄淪三林之北為北鹹塘於萬歷七年疏其淤者三十餘里又北為曲鹹塘

都臺浦 在鹹塘東形勢廣闊綿亘五十餘里為浦東之大蓄洩年久淤塞於萬歷七年大加疏浚深通復故東北為連家漕北為水仙塘又北為郁家港為官

路港又北為邵瀝港並西通鹹塘邵瀝之東為翁家
港北為淘河港並東通運鹽河浦故曹家溝也天順
中巡撫都御史崔恭所濬行臺住劄於上因名以識
不忘馬路浦在新場鎮北一支自東南起中前所
至倪家行而入一支自東北連一竈港亦自倪家行
入西流絕鶴沙塘而南過石角倉踰新閘沿三十里
又絕青村運河出閘港舊止築堤壅水以資灌溉稍
旱則涸正德中居民倪升遠父子盛鶴鶴兄弟相繼

開浚自是潮汐大通水旱不竭商船往來卒為通渠
沈涇塘在下沙浦北其東通連家漕南折為鶴沙
塘並西入黃浦 周浦塘一名杜浦南接鹽鐵塘橫
汚港東通水仙塘都臺浦北通黃溜漕並西入於黃
浦萬厯五年浚 三林塘在周浦北自鹹塘西流其
南為中新涇三塔涇後漕涇橫裒涇北為杜婆涇歸
涇漕楊溜漕西新塘中分涇西入黃浦 黃溜港在
楊溜漕北南通三林等塘合白蓮涇西北入於黃浦

吳淞江迤東南水道 橫漑南通黃浦中絕蒲匯塘北
入於江 許浦南通橫漑北入於江 新涇在橫漑
東古名新涇浦南通蒲匯塘北入於江其支渠東有
石橋浜周家浜菖蒲涇野奴涇彭家浜橫清涇交紋
涇漁水窪劉家浜蕭郎浜西有陶涇師家浜陸家浜
五漕金家浜上江涇唐子涇橫涇皆支通浦水以灌
田疇其東為上澳浦 上澳浦有東西上澳並南通
烏泥涇北入於江 西盧浦大盧浦今名盧子浦並

北入吳淞江中有沸井

范家浜即縣治東大黃浦蓋夏忠靖公所開也 楊
涇在縣城東南大黃浦在其西 西溝浦在楊涇東
其南通鹹塘北入吳淞江

馬家浜 在西溝東又東為東溝浦張家浜入海浦並
南通都臺等浦西入吳淞江年久失濬於萬歷五年
疏治深闊東北至界浜與嘉定分界有寶鎮堡在焉
南澹浦在縣治東北三十六里其支流為西溝浦

東溝浦馬家浜今縣東北有水曰澹港曰大澹港其南近都臺浦疑即南澹浦之故跡也

吳淞江迤西北水道 牧瀆港北通真如 上澳浦北

通河塘 桃樹浦盧浦並北通真如 徐公港俞家

港沙洪並北通江灣萬厯八年濬 下海浦曲浦楊


樹浦尹祥港並北通舊江 舊江走馬塘西通嘉定


界又有古江即舊江江灣浦黃浦並引西水東入淞

江出海並萬厯十年濬

已上吳淞江西北水道俱於萬歷七八九年次第
疏治然亦潮汐繼至潮沙易淤歲宜查濬

青浦縣水利圖





青浦縣水道考

吳淞江在縣治北由大盈浦四十里始入江源出太湖
過松陵下龐山湖東行入長洲崑山截新洋江由慢
水港至大石浦入縣境迤東至橫瀝入上海縣界江
環境內凡七十餘里與嘉定犬牙接壤江之在境內
淤塞者於萬厯五年同時疏治十餘里沿江荒田日
就墾闢內田亦治

東江西段 急水港在縣西南五十里長二十餘里闊

二十丈至三十丈西接吳江白蜆江

澱山湖 在縣治西南三十里與崑山分界西以蔡浜
嘴東以澹開河為限北隸崑山南隸青浦源自太湖
歷龍山湖陳湖白蜆江而來周二百餘里左有澱山
以故名焉松郡諸水莫大於此湖西圩田日就剝削
湖東河港日就澱淤於萬歷五六年間北浚蒲蕩
東疏杜癡港澹開河大小山涇等口修築湖西隄塘
田穰水下矣

蹇開河 在澱山湖東北河北屬崑山界西接澱湖
東通大漕港向因淤塞於萬歷八年開浚

大山涇港 在澱湖東引湖水東南行一支東入小
山涇而達漕港運船由之一支南合爛路港而入泖
洩瀉湖水最速淤塞不通於萬歷七年同小山涇一
齊開浚水復故道

爛路港 在澱山湖東南引湖水南行入於泖水勢
迅駛為全湖宣洩要害三縣漕舟由之

三泖 在縣治南三十五里與華亭分界西北抵山涇
南自泖橋出與長泖相合以入秀州塘南至當湖東
南至廣陳又東至捍海塘而止縣圖以泖有三名近
山涇泖益大曰大泖近泖橋泖益員曰員泖自泖橋
而南紆繞百里曰長泖此三泖之異也西南受嘉善
諸水西北受澱湖諸水東由華亭界入於黃浦此皆
東江之故道也

運河西自急水港出澱山湖經山涇港分支東折由

丁家路車路港斜瀝港龍巖橋出大曹港達於縣城
凡六十餘里萬歷八年於大曹港之西開濬蹇開河
直接澱山湖尤為捷徑

急水港南水道 東蔡浜西南通周莊蕩 沙田湖南
沙蕩並由夏家港韓巷港東入澱湖 冷灣港西引
豐里橋馬家浜諸水東入澱湖 龜蕩在澱湖西南
與吳江分界周二十餘里 龜蕩之東為雪落漾楊
廬蕩俱西承汾湖三白蕩諸水分流金澤塘南北橫

港入連湖蕩及三泖

急水港北水道 執洞港北通沈龍湖與長洲縣分界

道堂浜奚家浜張家浜北通東西二瀉蕩內張家

浜萬歷六年浚 長瀝涇北通沈龍湖 廟港北通

蔓萊洲湖 沈龍湖一名黃浦灤與長洲分界廣一

十二里西承陳湖太師田湖東入蔓萊洲湖 蔓萊

洲湖廣九里與崑山分界西承沈龍湖東由朱沙港

以入澱湖 朱沙港西北承長洲崑山諸水東入於

澱湖水迅駛與急水港等

澱湖南水道 白溪港南通龜蕩 金澤塘南通嘉善

火柴蕩大葑漾東清漾南陳蕩西陳蕩東陳蕩張
家路港澤塘港並西承龜蕩諸水東入連湖蕩

爛路港西南水道 連湖蕩在澱湖東南西引龜蕩澱

湖水合瓢湖金銀蕩爛路港南入於泖 東圩白蕩

任鄧蕩羅家扇蕩李家柵蕩蔡家蕩濮家蕩泖連蕩

並西南承吳江嘉善諸水分流王田港泖田港金田

港章練塘曹墳港入於三泖

爛路港東北水道 山涇港周方港駱駝港丁家路港
安庄港褚庄港並東通山涇港其南為沈巷港屬華
亭

泖西南水道 白牛塘在大泖西南界松江嘉興之間
南承浙水北入濮陽等塘 濮陽塘在章練塘南南
承白牛塘東北由大蒸塘入於泖 大蒸塘西承濮
陽等塘東北由小蒸塘以入於泖 小蒸塘在大蒸

塘東北西承白牛等塘之水東入於泖

泖東北水道 葑澳塘在員泖東北南連走馬塘北通

南曹港其西一支為龍河龍河之西即澱山也 走

馬塘自員泖分流東行至橫雲山前為橫山塘東絕

沈涇塘為橫浦經廣富林市南連接丘涇八曲諸水

東入顧會浦 沈涇塘南通褚菴港北通千步涇

神仙塘在縣東南三十里分引泖水北流至佘山西

接諸家塘東通潘蕩 八曲港自神仙塘分支東北

行為黃蠻涇一水出神仙塘循余山南麓來會之並
入顧會浦又橫泖為印涇千步涇亭墩涇 余山涇
西通沈涇塘東入顧會浦萬厯六年浚 何家港在
朱家角鎮西其南通連湖蕩北入大曹港 斜瀝港
南由車路港丁家路通接爛路港北出大曹港 南
曹港即舊鹹魚港自澱湖東南何家港東流納龍河
水東北為斜瀝入北曹港東出秦來橋折北為大盈
浦南接柘澤塘東為諸家塘 諸家塘由柘澤東流

歷天聖庄為潘蕩抵陳坊橋納神仙塘水歷余山之陰益清駛寬廣經柘溪塘入顧會浦又折而北流以入橫泖

縣城東西境水道 踰開河西引澱山湖水東入大曹港

大曹港在縣西南與崑山分界西接踰開河合何家港三分蕩斜瀝港諸水東行過縣城入橫泖一支北折為新河入大趙屯浦一支出北水關入大盈浦並

下吳淞江

橫泖 自大曹港東行過崧宅塘絕顧會崧子二浦東
接湖涇為東橫泖南至樓下張管山前為橫塘望龍
車菴折入盤龍塘迤邐入蒲匯塘於萬厯八年疏浚
深闊為潘蕩崇宅低鄉洩水之徑道 崧宅塘自橫
泖分支北流西折為界涇為孔涇為東施浦為管浦
北為七匯港為秋末涇為篠涇

蒲匯塘在縣東北西接橫泖橫塘盤龍諸水淤不通舟

於萬厯七年開浚經七寶虹橋由龍華港入於黃浦
濱臨吳淞江諸浦 內勛浦在縣西北南引古塘諸水
北入吳淞江內勛分支為曾仙浦

大趙屯浦南自大曹港分支入浦處又名新河迤邐
北行凡八十餘里入江於萬厯五年開浚

浦西水道 莊磯涇鳥嘴涇金家涇斜同涇古塘斜
涇白米涇橫涇潭路涇斜路涇雙涇高涇凡涇瞿涇
黃華涇唐光涇凌涇吳家涇廟涇

浦東水道 望湖涇西朱涇牛車浜金家涇毛家浜
古塘孔宅涇八仙涇高河涇葉家港唐家涇古方涇
胥溝官田涇陳墓涇新涇內孔宅涇萬厯六年浚
大趙屯之東為小趙屯直浦盧浦古湓浦南澥浦梁
紇浦並自胥溝分流入江

大盈浦在縣城之北自南曹港口北折至縣北水關
合大曹港北流經唐行倉厯杜村至青龍江口由嘉
定界入吳淞江

浦西水道

南曹港大曹港望湖涇糊塗浜赤魚涇童

家涇南田涇陳何涇廟涇孔宅涇金涇陳涇古方涇
朱池涇楊全涇胥溝吳涇落蘇浜北徐浜曹涇螺螄
涇千人漕吳朱涇西霞浦蔡大浦周浦白鶴江白洋
涇新開涇闕家港朱思浜

浦東水道

諸家塘橫泖沙地浜孔涇林道浜金家

浜管浦朱家浜王段涇石家浜李少涇夾界浜何家
浜尤秀涇龐涇汪家港徐家港鴉鵲涇橫涇潘家浜

新涇顧家浜楊家浜陳道涇洋涇盧家浜張涇青龍
江金獅港

顧會浦在縣東源達府城通波門一名通波塘分流
北注至幹山東行入橫泖北通新江塘西合青龍江
東接艾祁浦以入吳淞江又東為朱墅浦 崧子浦
舊名崧塘自顧會分流下注舊江口與顧會同流異
派皆入吳淞江崧子浦之東為淮浦華漕赤鴈浦虬
江周涇嚴倘浦並南引橫泖北入吳淞江

蟠龍浦在崧子浦東南起府城華陽橋北流過泗涇入縣境截橫塘復由蒲匯塘口北行凡八十餘里東行者由龍華港以入黃浦北行者過蟠龍鎮以入吳淞江年久堙塞水不通流萬曆八年疏濬深闊

浦西水道 橫塘諸家浜施家浜刑涇昌涇南湛涇北湛涇沈涇浜曹涇柘圓涇磚窰涇張廣涇徐涇南談涇中談涇北談涇南寺涇北寺涇方亭浦高家浜唐大浜雙合浦錢家浦姚家浜離騷港朱家涇

浦東水道

橫塘浦匯塘菖蒲涇張塘浜高門涇亭

子涇褚涇廟涇迮墓涇直涇張涇何涇曹村涇夏皮
涇蔣涇小洋涇大洋涇虬江北洋涇小涑浦俞家港
大涑浦郭浦莊家涇張春浦 橫瀝南抵海塘截黃
浦北流至蒲匯塘入縣境分支北流出吳淞江

三吳水考卷四

欽定四庫全書

三吳水考卷五

明張內蘊周大韶撰

常州府水利考

常州地勢視蘇松為高北枕大江南控太湖水之隈集
境內者皆合於漕河奇分而流注于江湖焉蓋亦百
川之巨都也今境內之水若武進之東自望亭出風
波橋入郡界曰漕河漕河之南曰陽湖東南曰宋建

湖又東曰惠明河河之支流並流入于漕河漕河之
旁曰邦溝分為二水與後河合流入于漕河又鳴鳳
河東北枕漕河南通白鶴溪羅澤河東流注于渦湖
渦湖在郡城西南與宜興分派若蠡河孟瀆河青河
蠡瀆華渡河黃土瀆余柯瀆並上通漕河流注于渦
湖者也邑之南曰永安河河之支流一自西南通漕
河一自無錫漕河經紫溝河入于大江永安之外為
得勝河剡銀河小新河通濟河順塘河陳墅河伯牙

瀆網頭河河之支流相通者並東北合流而入于江者也若灣瀆河戚墅港白馬涇諸水並西北屬漕河東南入宜興界中而流注于太湖者也此武進境內之水也無錫之北曰閘口河閘口河東經蔡家渡分流入于江陰界中新河羊尖河嚴埭河又分流與閘口合芙蓉湖五瀉河歐瀆諸水又並北入江陰界中而流注于江者也又慧山之陽梁溪之水出焉溪繚繞歷山之西南阨入于太湖又北與運河合邑之南

曰長廣溪之水南流至開化鄉分流出獨山門入于大湖小五湖自太湖而東經長廣溪西與大宣滄合大小宣滄自梁溪至孤瀆口分為二水南經青祁滄又南通小五湖入于太湖又邑之北曰雙河河之水自錢橋貫直湖港與雙牌港合西貫直湖入武進之陽湖直湖之水又南入于太湖又邑之南曰塘干滄南通洪丘滄與太湖相屬又東北入于蠡湖與長洲分界濠湖又西出蠡湖與吳縣烏角溪合流注于

太湖而閭江則又在太湖之濱者也此無錫境內之水也宜興之南曰荆溪荆溪之水東流注于太湖達于松江入于海荆溪之所通屬甚衆若沃溪章溪周瀆鰕涇慈湖溪湖汶渚童渚張渚諸水並流注于荆溪者也荆溪之下曰百瀆荆溪之東曰東沕溪其西曰西沕溪西沕溪上自溧陽合併洄渚諸水經荆溪入東沕溪由百瀆入于太湖東沕溪又北流為東蠡河梅村河又北屈而入于運河運河北通太湖太湖

受水既潰汙汙瀾勢鎮湖陸唐孟簡乃疏為渠以殺其勢謂之孟涇涇水又西入塞溪溪之源出于洮湖又東入于荆溪邑之北曰東湛瀆西湛瀆並合流而西入于運河者也邑之東南曰忻溪又東曰陽溪曰沙塘港並東北入於太湖而大浦則又在太湖之濱者也此宜興境內之水也江陰之水其大者曰漕河南自無錫運河分支入高橋由五瀉河北行西折合張涇復北經青陽鎮合南北山塘歷九里河至縣治

循城西北隅由黃田港入於大江漕河之右有山塘
河順塘河橫貫於邑之西南上承戚墅港丁堰港三
山石堰港及武進諸河之水北行若桃花港立埭港
崇溝河利港廬畢港申港舜河流皮港夏港則皆分
灑於黃田港之西引山塘河順塘河而納之江者也
漕河之左有應天河橫河橫貫於邑之東南上承亭
塘河楊枝河長壽河清溪河官祿塘河倪塘河及無
錫諸河之水北行若鱖魚港黃山港白沙港石牌港

石頭港東西雷溝蔡港范港私港谷瀆港令節港界
涇則皆分灑於黃田港之東引應天河橫河而納之
江者也此江陰境內之水道也夫常州四邑之水其
源委大抵若此矣至於要害四邑之中又有緩急夫
宜興以一荆溪兼受數州之水其衝激之勢猶居高
建瓴甌也故于荆溪之下灑為百瀆以殺水勢又開
橫塘貫其中以引荆溪之水並入于太湖然以太湖
受水多而宜興為諸水入湖要道乃復于宜興溧陽

之間置五堰隄塞之今宣歙金陵九陽江之水由分水銀林二堰北決于蕪湖其方略可謂至備矣然今所謂百瀆在宋時縣令樓閱所濬治者止四十有二餘皆湮塞今湮塞者又不知其幾而五堰至唐末已廢自是宣歙諸水不復決于蕪湖而反東注于太湖矣太湖上當衆水之衝下有吳江湖隄之阻水勢洄洑瀾漫盈溢納而不吐貯淤成陸雖近瀆低窪之田一遇旱暵而鬱為枯壤矣江陰地勢最卑當漕河下

流又為衆水入江要道去江壩可二里並江多山土
隆崛墳起日以廣斥蓋古所云息壤也然土性輕脆
善崩春夏水盛輒敗壞填淤數丈而河勢又曲渾潮
逆上一日兩至泥沙隨潮停蓄武進無錫之十四瀆
斗門又廢即致上流水勢無可刮除故黃田閘九里
河兩涯膏腴之田往往蕪穢不可耕治議者以為浚
治隄防于宜興江陰為急武進無錫次之宜興宜疏
夾苧千百瀆橫塘之口江陰宜濬申利桃花諸港武

進無錫宜復十四瀆斗門使百川流行必無填淤盈
溢之害矣若靖江環江而邑境內之水皆股引取之
而還復于江其利害與四邑殊等略與蘇州崇明同
以故不論

常州府水利總圖

州德廣至南

下埠港

白濱港

太湖

玉文潭

陽山弁

沈東

宜興

沈西

白茫汛

下埠港

錢野弁

草塘

塘濱

奔湖徐

沙子湖

塘洋

丁河

武進縣

常州府

孟濱河

孟河口

小河口

剡港

魏村港

戲龍河

淞港

常州府水利節目

毘陵介乎蘇潤之間屬邑有五北瀕大江南連震澤山
谷環乎西南埭阜接乎東北荆溪洮滬芙蓉等湖瀦
乎其中宏隆殊勢利害相懸每歲常兼蘇潤之患故
本院首闢漕渠于武進開孟瀆于奔牛使輓運輕舟
分途並進公私兩利賦供或無愆期繼鑿閔溪裏河
于西者使五堰以東之水竟下荆溪而漂陽之運艘
得由于坦途疏百瀆于東者使洮滬二汎之水竟下

太湖而宜興之低田得免于沈汨若芙蓉若天授若
青城萬安徐瀆余瀆等處則高築其圩隄或修其堰
壩設遇霖潦不得溢入于無錫之低鄉若黃田若雷
港若申利夏凜谷瀆令節等港則深濬其淤湮或復
其閘斗即有旱澇亦足有備于江陰之高阜其濬治
東雙東新西掘天生耿廟諸港者于靖江東境之蓄
洩或可恃也疏通焦山楊機陳公朱八所珠唐鐵廟
樹等港者于靖江西境之雨暘庶有資也為常州計

者其可考鏡之大略如此其詳不遑殫述焉

--	--	--	--	--	--	--	--

武進縣水利圖

西止丹陽呂城

上景塘

班孝鄉

樓

陳塘

15

青

尚宜鄉

م

欽風鄉

徐塘

清水塘

射雁塘

禹得姓

懷南鄉

陳錦塘

白蕩

延政鄉

宣興運河

游塘橋

所橋

懷北鄉

安善東

人孝東鄉

人孝西歸

奔牛閣

安善西苑

通江縣

河堡

保仁西鄉

循理鄉

依仁東鄉

德澤鄉

小河

美濟河口

刺港

魏村港

江子楊止北

止南



武進縣水道考

太湖 在縣東南六十里西南接宜興界至分水港入縣境東南至小仙港入無錫界田濱湖凡四十餘里運河西北受潤州諸水南行至張店舖入縣境南至五牧舖入無錫界凡八十餘里

運河北水道

孟瀆河 在奔牛鎮東南接運河北入大江

按孟瀆自奔牛鎮河口至江七十里本為通運捷

徑載在漕志每歲京口濬河舟船俱由此瀆嘉靖
中倭寇內犯乃於河口築壩又於瀆口築城屯兵
戍守自此河流不通江潮淤漲遂為平陸商民船
每遇運船行時皆由江陰夏港入內河然京口至
孟瀆口僅一百二十里一潮可達自孟瀆至夏港
又一百五十里非兩潮不能至風波盜賊極為冒
險近年運期既早每至冬月糧塞京口回南空船
無從內入萬歷五年大加濬鑿仍於瀆口置立石

牌視運河之盈涸以為啓閉商民船隻悉由坦途
與運船分道而行最為便益且丹陽水發由此入
江亦足以殺上流之勢也

蘭陵瀆西南通西浦界河東北入於孟瀆 伯牙瀆
羅墅灣並北通孟瀆 黃山港剩銀河並西南通孟
瀆內剩銀河萬歷八年開浚 洞子河東南通運河
北通剩功河東北入澡港萬歷八年浚 得勝南新
河舊名烈塘南枕運河有連江橋在焉北入大江

剡功河東南通洞子河入順塘河北自大溝河入江
戲龍河南接運河北入大江 白龍河西接得勝
新河東通澡港 申浦大灣河西接洞子河東通綱
頭河 澡港綱頭河在郡北青山門外其分支有四
一自通江橋北通鎗頭橋入江曰澡子港一自楊頭
鄭六橋直東入江曰利港一自後塘東北入江曰申
港一自三山堰東北入江曰新溝 小新河南自澡
港經大河口入大江 利大河通濟河東南自龍窟

塘西北通澡港入大江二河俱萬厯八年開浚順
塘河西接澡港東北由山塘河通江陰界萬厯八年
浚丁堰河南接運河北經楊橋至綱頭河夾涇
南接橫山北通綱頭河戚墅港南接運河北入龍
溝河陳墅河南接運河東北至三山港經紫溝河
入大江黃汀河西接綱頭河東入江陰界水碓
河在橫林鎮東南接運河北經無錫界入江陰青陽
鄉

運河南水道 鳴鳳河一名直瀆南通白鶴溪 白鶴

溪北接運河南經三溪口一入漏湖一接丹陽界萬

歷六年開浚 羅澤港西通白鶴溪東南入於漏湖

孝感瀆西通羅澤港北通運河東南入於漏湖

槽橋河自永安河西通運河東入漏湖 平湖河談

村河並東入漏湖 余柯瀆東通漏湖西接宜興界

漏湖一名西漏沙子湖西納洮湖東入於太湖中

與宜興分派又一支入大吳瀆歷塘口瀆白魚灣高

梅瀆白梅溪而北通運河 孟津河黃土瀆北入漏

湖南入宜興界 蠡瀆港南入漏湖北通白鶴溪

三漏溪北通運河南入於漏湖 華渡河東接西蠡

湖西南入於漏湖 西蠡河即宜興運河北接郡城

西門南經陳渡游塘橋入於漏湖又歷鍾溪以達於

宜興 清河自永安河西至運河入於漏湖 永興

河西接清河東抵順隆河 惠明河西北引荆溪水

自南水門經郡治前稍東出化洞橋與後河合入于

運河又與顧塘河經大市益引惠明河注之漕渠

順隆河西接西蠡河東接採菱港 徐湖渰西接西

蠡河東南入於採菱港 興隆河北接採菱港南通

華渡河萬歷五年開浚 白馬涇北接採菱港南通

太湖 採菱港北接運河西南入徐湖渰 太平河

北接七里港南合黃堰河萬歷六年開浚 黃堰河

北接華渡港東南合太平河 青城河西接興隆河

東通戚墅港 虎穿河西合興隆河東通戚墅港

戚墅港北接運河南入於太湖 歡塘河北接戚墅

港南入陽湖 宋建湖西北由上陳港接運河西至

盧莊浜入落花蕩南經方莊浜入具莊河東南通周

陳殷墅二河 灣瀆河北接運河東南通宜興以入

太湖 陽湖西通塘門洛陽二河東北自花瀆港接

運河東南通閭江 永安河有三一在郡西北自白

鶴溪至瀟港入於太湖 一在郡東北自老鴉浜西

南通運河亦入於太湖 一在郡南自無錫運河東

北至三山港經紫溝河入大江 邗溝在舊羅城內

一自太平橋出臧橋枕運河 一自通吳門至虹蜺

橋與後河合 城河一在舊外子城環繞郡治自西

水關北出行春橋 一在舊羅城外東西皆接運河

一即今城壕

常州府百瀆屬武進者二十有六 許墓瀆陳隸瀆褚

虛瀆楊巷瀆吳溪瀆甌潭瀆大墟瀆長令瀆朱瀆沙

塘瀆古龍瀆丫白瀆陰陽瀆山瀆莊野瀆無口瀆市

橋瀆梅塘瀆烏瀆官瀆蘆瀆草瀆雙瀆杭瀆蠡瀆

無錫縣水利圖

西至本府武進縣界五十里

府州蘇至南

欽定四庫全書


三吳水考

十七



縣陰江府本至北

鄉道興



無錫縣水道考

太湖 在縣西南一十八里綿亘開元以及揚名五鄉
凡九十餘里自毘陵以南運河納東西兩涯之水俱
會于黃阜墩繞邑城而由橫浦獨山吳塘諸門入湖
一邑之水西注者悉歸焉雨澤愆期東南風大作則
太湖之水有時或注入運河者乃其暫耳

運河西北接武進界至五牧舖入縣境南至望亭入長
洲界凡九十餘里

運河以西河道 問江在縣西南五十里即太湖之
別浦也以吳王闔閭常築城于此故名 陽湖在縣
西南四十里與武進分界今成田 雙牌河與武進
分界東引運河西入陽湖 直河港東引運河西入
志公港會于北陽湖南經神護富安二鄉入於太湖
花渡港東引運河西北入直河港萬厯五年浚

雙河在開原鄉西溪之尾與運河合分流西行甌布
政鄉南下太湖一支東行與梁溪合 秋子瀆毛瀆

皆運河之旁流而西者並入雙河 青祁渰在縣西
南二十五里廣二十里袤一十八里南接五里湖西
入太湖

大宣渰小宣渰 並在縣西南一十六里東接梁溪自
開原鄉南行數里過仙女墩折而西行至孤瀆口分
而為二西為小宣渰東為大宣渰南行十餘里會於
青祁渰南通五里湖出浦嶺獨山門入太湖 五里
湖一名小五湖北受梁溪南合長廣溪西入太湖

稍塘在布政鄉 邗溝在縣西三十五里其流自稍塘而西分為二道西南流者曰南邗溝至湖埭入太湖西北流者曰北邗溝至馮橋入陽湖萬歷八年浚漆渰在縣西一十八里 修浦在神護鄉

梁溪 即梁清溪梁大同間重濬故名濶十丈深三丈源發慧山泉北通運河南遶慧山歷山西南行一十八里入小宣渰歲潦則邑之水由溪洩入太湖歲旱則湖水逆溪而上居民藉以溉田 寺塘涇在慧山

東 斥瀆在縣西北隅與倉河相對東北通運河
馬蠡港北自梁溪過仙女墩分流南行入五里湖
九里涇自石灰橋分運河南行西折入馬蠡港 石
塘在揚名鄉據湖上津延袤二里 孤瀆在縣南五
里東接運河西入梁溪

長廣溪 在縣南一十八里長三十里廣一里受揚名
開化諸山之水北合五里湖南流合洪丘渰西南行
一出吳塘門一出獨山門皆入於太湖 唐千渰在

縣南二十五里蠡瀆之水分行而西復南行合洪丘
渰入太湖 洪丘渰在縣南四十里水自唐干渰而
來南合長廣溪入於太湖旱則湖水亦入焉 東葑
瀆在縣南二十里 曹黃涇並東引運河西入蠡瀆
蠡瀆在縣南新安鄉東接運河西合梁墓涇南行
十餘里至蠡口南入赤城溪自蠡口分流入唐干渰
赤城溪在縣南三十五里廣數十丈長五里北受
蠡瀆南會新安溪以入太湖 新安溪在縣東南三

十五里長六里東引運河西合赤城溪亦入太湖

烏角溪在縣東南四十五里長六里東接望亭運河

西入太湖與蘇州分界

運河東河道 歐瀆在縣西北四十里宋治芙蓉湖

為田遂於此地置減水閘遇潦則開閘洩水入大江

芙蓉湖 在縣西北興道鄉湖廢成田十常九潦萬歷

七年八年築成巨隄久淹之田悉得成熟 西瓜瀆

在縣北四十里南引湖水北入江陰界 西界涇在

招義鄉與武進分界 墓塘港在縣西北興道鄉自
咸塘河西為鄒祁河至興寧界口為墓塘尖其河即
墓塘港西北行二里許與西瓜瀆會北入江陰界
咸塘河在縣北自五丫浜北行合張塘河北入江陰
界 張塘河在縣北太平港分流而西至胡家渡分
支而行為張涇通五瀉河一支東行入咸塘河 嚴
埭河在縣北自蔡家渡東北流由閘口河入江陰界
萬厯五年浚

五瀉河 在縣治北十里南接運河北通大江內貫武進江陰界而縣境之萬安天授諸鄉如芙蓉湖青城徐瀆蕩口等低圩之水皆由此河南洩入運河而下太湖北由此河而洩入于江為北境之要害兩邊田形低下隄岸堰壩宜歲時修築

蓮蓉湖 在北門迎潮館前宋時廢湖成田 閘口河在縣北水自五瀉口來至蔡家渡分為二一支循邑城而東至梅李鄉入於伯瀆一支東北流膠山鄉與

新河合入江陰界 太平港在縣北自嚴埭河分流

東為包堰河又東至懷仁鄉分為三道東流者合盛塘河西流者通芙蓉塘北流者入江陰界 新塘河在縣東即太平河之別脈東至延祥鄉入於濠河

伯瀆在縣東南五里西接運河歷景雲泰伯梅李垂慶四鄉東入蠡湖 蠡湖一名漕湖在縣東南五十里西屬縣境而其浸通屬長洲亘泰伯梅李二鄉

新河在縣北宅仁鄉南通尤村渡北入江陰界浚自

元術國朝洪武二十五年重濬濠湖俗名鵞脫蕩
在縣東七十里延祥鄉東西四里南北三里東與長
洲分界東北與常熟分界蠡湖在其西廟涇在東
南門外信郎王廟側長五里交涇在嵯峨山今湮
惟存涇口五步湖在縣東北天授鄉今成田沈
瀆在縣東南天授鄉冷瀆在縣東南三里即鴨城
河之始脈也內有一十八灣黃土瀆在縣東十里
利浦在梅李鄉已上二河俱春秋時伍員取土以

築閘閘者

鴨城河 在縣東梅李鄉源自運河而來東出江陂橋
亘梅李上福延祥等鄉在梅李者為新塘河在上福
者為信義瀆 杜家河亦名太平橋河至延祥鄉蓄
為謝蕩引流至甘露分為二一過濠橋一由月河皆
東入濠湖其旁即潭塘河 破塘河一名福塘河自
鴨城河分流南行越泰伯鄉而入於蠡河 潭塘河
自鴨城河分流北行至宅仁鄉為劉家河貫興塘港

與新河合 信義瀆即鴨城河見前橫塘河在信義

瀆之旁注於北者東貫走馬塘為芙蓉塘至懷仁鄉

為盛塘河入常熟界 走馬塘貫乘慶延祥上福宅

仁四鄉南自張塘北至馮堰袤十有三里廣六丈成

化八年邑人趙汝明重浚徐有禎記 芙蓉塘福塘

並在上福鄉 盛塘河見前羊尖河盛塘之別脈

顧市河包堰河之別脈並東會於羊尖入常熟界

馬金滄在縣南五十五里與蘇州分界 西謝滄在

縣東六十里周十里亦與蘇州分界今名謝蕩 青
魚蕩在縣東北何家渡 黃僧蕩在青魚蕩東 鄧
蕩在縣東北四十五里並與江陰分界 蘇舍蕩在
延祥鄉 柴浦在縣東景雲鄉 大龍涇小龍涇俱
泰伯鄉 塔子涇為天授膠山二鄉界 運浦在膠
山鄉 崇村蕩近回山 橫涇在延祥鄉與江陰分
界 南界涇在垂慶鄉與長洲分界

溪澗八 錫山澗錫山下引慧山泉東注於梁溪

大澗小澗並在橫山東南注梁溪 回龍澗在慧山
第七峰下水從西北轉東入運河 黃公澗在慧山
側 蟠龍澗在橫山西南注太湖 周塘澗在閭山
左 裏山澗在裏山受軍將許舍諸山塢之水南注
長廣溪

龍潭七 龍山白龍潭 軍將山龍潭 安陽山龍
潭 香山龍潭 興道二龍潭 東龍潭 西龍潭
城中河道十有八 北倉橋西址曰斤瀆 縣治曰

胡橋河 縣治南曰玉帶河 縣治東引玉帶河入
胡橋河達運河曰營河 大市橋南曰水碓河 東
引運河出西水關曰東帶河 南通運河遶倉而東
北轉入弓河曰倉前新河自北關遶城南行至南關
合運河其灣如弓故曰弓河 傍弓河之側有河九
道曰九箭河

宜興縣水利圖

廣至南

東山

張渚巡司
永豐區

通廣德山
分界山
國山

蒲野濟

區一從

河千上

彭庄河

黃潭湖
六水岸

河發文

河家薛

西至溧陽
宜牙

從三區

洪利口

從二區

三干河

九里河
山亭區

河基寺

崩壁

龍潭

西沈

洪利

河塘

上堤中

河

河墅程

河運

河庄方

壇廣邑

河

河

河

區賢五

從四區

五牧河

山口止

河

河

河

區五從

河

河

河

河

河

河

河

河

河

河

河

河

河

河

進武至北

鍾溪

河

河

河庄丁

河

河

河

金壇界

宜興縣水道考

太湖 在縣東二十里南接湖州府長興縣界北至沙塘瀆入武進界湖之上源為百瀆瀆之上源為荆溪荆溪之上源則浙直諸山溪在焉皆水之所自來也
邑境濱湖凡百餘里

運河北接武進之西蠡河至鍾溪入縣境抵縣北門凡六十餘里

西境諸河受宣歙建平溧水高淳溧陽金壇諸水會瀦

西沆溪以入東沆詳具如左

西沆溪 枕縣西門長二十餘里廣七八里水自漂陽等處而入由城塘河汧汭滄蓮荷溪白雲涇等河緒為大溪東由縣城諸河北由宋瀆閃溪等河並瀉入東沆以下太湖

洮湖一名長蕩湖 在縣西北與漂水金壇分界東通蓬塍河東北入於溇湖

溇湖 在縣北三十里與武進分界上承洮湖諸水東

入運河洿溪

蓮荷溪 在縣西源發山山西接漂陽諸河洿東通白雲涇又東為西洿中貫土干河九里湖又東合泮泖洿入荆溪山又一源發為蝦涇 白雲涇西受漂陽之下湖黃墟蕩諸水東入荆溪

蒲墅洿 西南受張渚吳溪竹溪考溪又黃巖龍池章山獨山善權萬墨等山溪之水分流上新下新鯨塘員照蔣店八字橋桑樹泊陽薛澍了溪大樹大新等

河以入西沱

潼渚溪黃潼澗

南受銅官石壁諸山之水分流八字

河澗北河徐舍河九里土干堂前謝橋深溪後遠龍

遊戲塘等河以入西沱 楊港河西莊河西受洮湖

西南受張渚蓮荷溪諸水分流後河蔣店河安樂河

小酥河以入西沱 艾墅河南受金錢鄉諸水分流

歸涇白雲涇等河以入西沱 龍潭河西受孟山茶

山諸水分流渰頭河陽泉河及興隆趙莊長林廣濟

對埠盛瀆烏嘴瀆等河以入西沱 都山渰西通洮
湖東入西莊河北入於孟涇 孟涇唐刺史孟簡所
浚以殺漏湖水勢其南入於塞溪 章浦爛路溪在
縣西東入塞溪 塞溪貫洋渰之中號南北洋渰其
東北為青魚蕩

泝泝渰 在縣西二十七里上承西南諸水東入荆溪
癸涇自泝泝渰分流東入從善等鄉以入西沱

止口蕩白茫潭西北自上新河豐義河集義河納洮

湖漚湖諸水分流徐舍河南陽河宜風河白溪及李家楊舍五牧大溪夾亭干瀆等河以入西沱 莊村河丁莊蕩西北承洮湖漚湖諸水分流大新河竹舍河長壽河永安河萬壽河楊富河辛方河餘堂河會于興陽河以入西沱 西庄河南渡河西南受洮湖蓬塍河北受漚湖諸水分流湖頭河渡頭大新河新安圩溝等河以入西沱

馬公蕩竹門蕩 西承都山等渰毫村等河下干等瀆

分流集義瀆寺莊河文溝河土城河萬道河馮家河
常富河及張師旱塘雲靄天生宋瀆城塘等河以入
西沱

閃溪運河 在縣城西門外長一十三里濶七丈深一
丈二尺古無此河開自萬歷七年蓋西沱之水俱由
東沱入於太湖中為縣城所扼水去不速每遇漂陽
等處水發西沱水勢平增丈餘致挽輸踏風濤之險
商民受劫奪之驚于萬歷七年設處規畫俱從平地

開鑿即以所開之土築成大隄於外水得洩瀉行者
亦從坦途 西湛瀆黃瀆婁公瀆並在縣北西北承
涸湖東入運河 黃土涂一名白魚灣在縣北北接
涸湖南入運河

東境諸河受長興諸山谿并閏州丹陽運河諸水會
瀆東汎溪以入太湖詳具如左

東汎溪 枕縣東南長一十五里廣七八里承運河西
汎及長興諸水東由橫塘百瀆以入太湖

東瀉溪一名罨畫溪又名五雲溪去縣治南三十六里
水源與長興鄰界相出入故名同 周瀆在縣南其
東西皆與荆溪接 洋渰新溪俱在縣南 湖汶溪
南受長興諸水東北由東沅以入太湖 荷花蕩胡
盧蕩南受湖汶溪山溪河諸水由蜀山河分流川埠
河侍郎河鳳川港烏溪港雙橋港納於東沅 龍潭
河橫塘河大浦港上承西沅諸水分流前洛河苔莊
河張石河倉浦河紅巷港入於東沅 尹村湖黃土

河西北受運河諸水分流前亭港公文河北渠河練
樹港黃塘港棺材瀆黃瀆等河以入東沕 高瑤河
唐門河公文河西湛瀆西受宋瀆漏湖運河諸水分
流下章河靜山塘象賢河七里莊河東湛瀆東莊河
東塘河新眼河朋溪草塘河十里港入於東沕 狀
溪在縣東二里發源君山入於東沕

東蠡河在縣東其南入橫塘北通沕溪其南為梅林
河北折而通於運河 餘皮渰在縣東其南通橫塘

河北由草塘瀆以入太湖 陽溪即沙塘港在縣東
並引西沱入於東沱 下邳河王婆橋河楊婆渰上
裴莊渰唐門渰張公壩河並西受運河太湖諸水入
於東沱

橫塘河 源自西沱會泝泖渰之水由滄浜入東沱西
北引太湖之水由運河入湛瀆與荆溪諸水俱入橫
塘分行百瀆以下太湖

荆溪 在縣南以在荆南山之下故名受浙直諸溪之

水東入太湖卽今西沱東沱之總名也

橫塘百瀆在縣東三十里昔人以荆溪當數郡之奔注勢不能容乃於溪口疏為百派以分其勢在縣東南七十五里曰上瀆北六十里曰下瀆總謂之百瀆又於瀆之南北開一橫塘以貫其中通鄉落之水引荆溪諸水下太湖

瀆在宜興者七十有四 陳莊瀆前師瀆後師瀆伍干

瀆符瀆長陵瀆北準瀆中準瀆南準瀆墓瀆鴨舍瀆

伍官瀆牛路瀆洋溪瀆黃山瀆馮港瀆太浦瀆盤師
瀆廟瀆彭瀆歐瀆舊瀆歷瀆茭瀆杜瀆寺瀆黃瀆鄭
瀆新漕瀆馬家瀆俞家瀆高莊瀆湯瀆東市瀆西市
瀆北朱瀆南朱瀆梁辛瀆邾瀆魏瀆張瀆凌瀆呂瀆
塢瀆許家瀆須瀆掘瀆吳瀆高經瀆定跨瀆王塔瀆
盛瀆李家瀆竹門瀆前塘瀆永昌瀆蔣瀆葛瀆茆瀆
河瀆徐瀆李莊瀆若文瀆毛瀆莊瀆褚店瀆斯塘瀆
蔡瀆黃干瀆龍瀆趙瀆蛇瀆虞瀆岍瀆 內南準瀆


杜瀆艾瀆中準瀆北準瀆洋溪瀆舊瀆黃干瀆龍瀆
徐瀆邾瀆趙瀆葛瀆毛瀆彭瀆歐瀆黃瀆符瀆盛瀆呂
瀆河瀆等俱於萬歷九年疏濬


按彼此參考瀆之相同者共七十有五比舊已多
其一新濬諸瀆見於誌載者惟洋溪瀆符瀆牛路
瀆黃瀆山瀆鄭瀆蔣瀆舊瀆趙瀆耳柴瀆官瀆今
雖濬過誌已莫載及考縣圖所載瀆名又有吳泗
瀆留溝瀆官溝瀆程瀆沙塘瀆鳳川瀆蘭後瀆五

禾瀆烏溪瀆董觀瀆吳義瀆後河等瀆與誌載瀆
名未合豈水道有變遷歟抑其中亦或有一瀆而
二名也今並存之以俟考正

江陰縣水利圖

西至武進六十里





里十四

江陰縣水道考

揚子江 在縣北一里許西接武進自桃花港入縣境
東至令節港界涇入常熟界北越馬馱沙抵通泰界
縣境濱江凡一百一十里江湖一日夜再至納百川
灌諸港

運河 南自五瀉河北經青暘九里河達於縣城凡九
十餘里

運河西水道 利大河 自武進界北行與立埭河接

北入大江萬歷五年開浚深通

漕港自四河口分流東行折而北二十里出山塘河
兩口達於石堰 山塘河在茶岐山南自武進三山
而東達於夏港萬歷六年開通 順塘河西接立埭
港東入申港萬歷六年開濬 崇溝在秦望山陰又
名北山塘自三山石堰東行二十里達夏港 新涇
在茶村西南三里由崇溝合夏港以入大江

芙蓉湖在縣南四十里即射貢河南控長洲北掩晉

陵周圍一萬五千三百頃宋廢湖成田迄今猶畏潦
萬歷七年八年築成大堤水不害稼

楊淮河南通漕港北入山塘河萬歷六年浚胥溪
由塌水港東達於經河塌水港西南自楊淮河口
北達於經河萬歷六年浚經河在由里山西南自
石撞引五瀉河過青暘北入九里河青暘河南承
五瀉河經河諸水北由夏港入江萬歷七年浚深通
九里河南接青暘河北通黃田港黃田之潮自北

而來夏港之潮自南而來兩相迎會淤塞尤甚萬厯
十年再濬水道通利

運河東水道 塘頭河在縣南三十餘里西接經河東
通周港 馬鎮河西自馬鎮接塘頭河 百丈河自

西陽而至馬鎮 淳塘河有二並自塘頭河西北行
一出青陽鎮南一出崇市南 馮涇在由里山南西
接經河東接長壽河 馬涇南自馮涇來北入斜涇
斜涇自馬涇北通九里河 南新河自西陽東過

文林富林等橋達東新河 東新河在縣東南八十
里由無錫界入習禮鄉北行東折又北截應天河而
達於谷瀆港 官祿塘河西自南新河東行入無錫
界 倪塘河西自東新河東入無錫界 長壽河在
時山東南引馬鎮河東北入應天河 秦清河自應
天河桑家浜入循沙山白龍山過湖塘折而南出馬
奇浜復通應天河

直塘河在縣東南五十里自西陽入塘石堰東北入

應天河 馮塘河在縣東南五十五里自東新河分
流西北達於應天河 楊村河在馮塘河東二里自
東新河分流由西北入於應天河 便民河在應天
河八字口

應天河一名長河在運河東南自運河分流東入由
里涇出新河西北至磨盤墩通黃田港東南至北角
通清水塘出常熟界其西北即清溪河乃江陰往常
熟之官河亦各鄉兌運之要路也綿亘一百餘里中

多淺溢民甚苦之萬歷十年浚深官民利便 前湖
在縣東昭聞鄉今成田 清溪河在沙山下西引應
天河水東北入於橫河 觀莊河在綺山東冷水灣
南引應天河西北入於橫河 永安河自綺山西南
引應天河西北入於橫河 橫河自回塘堰接黃田
港出東水關橫亘東北境七十里達常熟界

繳墩湖在縣東三十五里周四十里即宋之放生池
厥後湖廢成田地土日闢今四周水僅尋丈大非前

誌所載矣

胥湖在縣東相傳子胥入吳至此擊劍而歌因名今
其地有胥湖村

又有售塘河在西黃家村 菖蒲涇在蛟山後 千

秋河化成港並在化成鄉 長涇河習禮河並在習

禮村 陳墅河李岍河在顧山鎮 張塘河五瀉河

在青陽南 璜塘河相連長壽河 松橋浜在殷山

東 太平河城濠貫學前河

濱江河道 桃花港在縣西北分立埭河北行五里入

於大江萬歷九年濬 五斗港在縣西六十五里

立埭河在利港西五里自武進界而來東北入江

利港在縣西五十里自順塘河鬼涇口東北行二十

五里入江萬歷五年浚 盧埭港在縣西四十五里

自武進順塘河鄭瀆北行二十五里入江萬歷六年

濬 申港在縣西三十里自三山石堰北行入江相

傳春申君所開故名申港 新溝即舜河在縣西二

十二里自三山石堰北行三十五里入江 流皮港
在縣西二十里西南接申港東北入江 夏港縣西
一十里自秦望山東南三河口引經河東過柰鎮北
出蔡涇閘相傳禹跡所經故名 黃田港在縣北君
山西南昔春申君所開以灌田因名港自磨盤墩側
東引應天河西至九里河口折而北貫城中出黃田
閘入大江 鮐魚港在黃田港東 趙婆港在黃山
東一名黃山港導橫河北入江 白沙港在蕭山東

分橫河北入江 石牌港在石牌山東引橫河入江
石頭港自定山南三河口導長河東北折經橫河
出鎮山東入江 東西雷溝在石頭港東引橫河水
入江萬歷六年浚 陳港在雷溝東 蔡港自白塘
橋引長河水北至思莊折西迤北經橫河入江 范
港在蔡港東三里自谷瀆港北入於江 私港在范
港東 谷瀆港在縣東六十四里自北角引長河水
經橫河入江 令節港分谷瀆水東北入江 界涇

令節港東與常熟分界

閘六座

黃田閘在澄江門外節制黃田港

蔡涇閘

在縣南節制夏港


東北南關三淺水閘新涇閘


靖江縣水利圖

大定四庫全書

三吳水考

四十一





靖江縣水道考

揚子江 自巫峽諸山發源歷九江而下東與大海決
洽靖江縣治浮峙於中為金陵之關鎖四面環繞皆
江股引其源以為利潮汐有汎水旱無憂故疏治稍
緩源委亦與諸邑不同然溝洫之制不可失也具列
如左

東境水道 東雙港開沙港汊港螭蜢港天生港南夾
港安寧港東新港東夾港耿廟港流水港孤山港于

婆港西掘港東掘港小港北新港石釘港流汊港塌
港潼灣港

內東雙港汊港澎湖港天生港南夾港安寧港東新
港耿廟港孤山港于婆港東掘港西掘港北新港石
釘港潼灣港俱於萬曆五七等年疏濬

西境水道 焦山港大新港東汊港楊機港西楊機港
蠟塔港東張湖港西張湖港新河港陳公港西添港
柴場港西小新港王都港南韓家港南楊鐵港南徐

家港南蔡家港南曾家港小六港和尚港新開港爛
港太平港西雙港朱八港李賢港土龍港學田港梁
港展蘇港南新港劉家港祁朱港申家港西樹港唐
家港東張夾港西張夾港界港于家港東丘家港西
丘家港中丘家港西新港焦山汊港陳灣港繆家港
小新港唐鐵港廟樹港丁家港焦山界港

內焦山港大新港楊機港蠟塔港陳公港皇都港爛
港西雙港朱八港劉家港祁朱港申家港東丘家港

中丘家港西丘家港小新港唐鐵港廟樹港丁家港
焦山界港俱於萬歷五、六、七、八等年開濬深通

鎮江府水利考

鎮江據三郡之上游而北負大江地勢中高受水甚少
唯南與漕河相通而北達于江然漕河之水其勢于
東南為順北出為逆故昔人于金壇丹陽二邑築壩
堰以隄塞之今不得東南流又至冬江水漸縮水跡
去江隄甚遠而水勢又北出為順境內至無所潴蓄
故又于京口置閘啓閉之令不得盡泄于江自是漕
河之水唯與其境內之水相吐納耳今考其境內之


水若金壇西北則有西洋河上受長山三茅諸山之
水由十字河以入于漕河河之東復分流並入長蕩
湖又直流為穿城遶城二渠由縣南壩與後陽干南
壩河經東墟崑崙二橋合流入白龍蕩出方洛港以
注長蕩湖其西南則有薛埠白塔長橋三河上受大
茅四平鴉髻黃金瓦屋諸山之水由唐王溪三星河
東村諸橋至三汊河下塘橫河並互流入大浦新瀆
荷花等港以注長蕩湖其東北則有陳塘中塘堯塘

諸水入錢資蕩其東南則有白橋大雲下蕩諸水自
燕子下湯港以注長蕩湖漕河又北行經丹陽練湖
為丹陽巨匯湖之支流自斗門閘南流迤東以達于
漕河又自七里橋分流入橫塘經珥瀆河珥瀆之上
為珥村鎮河又經珥村之東由黃連呂莊等橋抵東
南為白鶴溪由白鶴分派自南而北為丁義瀆由珥
村之西自左墓達黃土迤南為河口迤北通簡溪簡
溪西受太平河之水東行以達於漕河又經上下夾

岡抵郡城之南乃折而西流枝分貫於城中北出合
流以入於江若丹徒四境諸水則有紀灣岡濫泥洪
杜墅湖鄭湖新豐湖寺湖馬林溪馬潭萬頃洋者其
勢不能盡達於漕河然于境內引水溉田甚便利不
可略他陂塘小渠之流甚猥衆今不復推究焉夫鎮
江地雖高而原隰之衆窪三邑之中亦自殊等若丹
陽之練湖於諸水最大然曲阿地勢岡阜彌月不雨
其所瀦即自索殊不足為旱備金壇視二邑為下而

長蕩湖諸浦其大雖不能與練湖相埒然多淀淤水
則汎溢民又以滯為憂議者以為於丹陽宜疏斜橋
諸港繕完曲阿以防北流為旱歲備於金壇宜疏長
蕩諸浦以導東流為澇歲備而丹徒則又準二邑之
高下庶周於所慮而無偏廢之病云

鎮江府水利總圖



蕩長即湖兆

河運

山陰縣


五瀆口

九曲河

山北

焦山

江子楊



鎮江府水利節目

京口阻山負江為東南孔道秦鑿曲阿抵武進呂城可
百四十里浙直漕舟由之誠國家轉輸之咽喉也第
夾岡岸陡善崩地勢中高易洩冬潮漸縮河水漸枯
漕運或無所資又不獨一郡利害所係也然所隸三
邑則丹陽最高常苦於旱金壇地下常病於淹丹徒
則南多岡阜北瀕大江又兼兩邑之患本院權其緩
急首治漕河畫地責成倍令深廣又修呂城諸閘以

防水勢之南奔嚴京口閘之啓閉以障運河之北洩
鐵猫九曲二河可引江潮以內注者也則深濬其淤
湮以通間道以濟不及焉練湖上下兩匯可豬山源
以兼濟者也則釐正其侵占以修函閘以需緩急焉
開丁義瀆以溉丹陽之高阜疏白鶴溪以洩長蕩之
奔衝珥瀆荆城為金壇之運道也疏淤設閘俾無淺
阻之艱蔭封周瀆為山水之下注也排湮決壅俾有
洩蓄之利若夫改濬漕渠於閘外疏諸港於沙鄉蓋

欲潦則分勢以緩其衝旱則引潮以給其灌為鎮江
次第經畫如此其沿江築隄挨圩畝引未暇毛舉僅
述其槩以俟繼今者有所考究焉

丹徒縣水利圖

西至南京

至南

長蕩湖

丹徒縣

運河

金山



金壇

運河

鐵貓港

丹徒港

焦山

東至長江

丹徒縣水道考

揚子江在縣北二里許源出岷山合洞庭彭蠡東北流繞金陵至炭渚港入縣境越金焦二山東南至新河入丹陽界亘境內凡一百二十里

運河自京口至下夾岡凡六十里河勢委曲皆鑿山為之兩崖壁立土疎善潰疏濬繁勞視他邑為倍云乃糧運必由之道也於萬厯五年起至九年止節經開濬深通

濱江水道

天寧州港炭渚港

有驛遞

高資港樂亭

港洪信港七里港南通大峴山 京口港即江口運

河有驛遞

新港甘露港海鮮河並南通運河 柳溪

港金線港倒流港木杓港西港丹徒港二港並通丹

徒鎮

鐵猫港通運河因淤澁運船於萬厯七年濬 血港

孩溪港南通朱灣岡 柳溪港黃港瓦屑港大港口

山北港南通毛沙港出大江 蕭家港李家港魏家

港安港何家港厥港朱家港徐家港毛沙港俱西北
通山北港董家港新河三港內蕭家港李家港何家
港朱家港徐家港毛沙港俱於萬歷五年開浚

運河西南水道 土橋河鮑家港下鼻浦並在郡西

其北入江西為樂亭浦岳祠橋河孟家橋河水磨港
莫家港丁卯港鐵索港車村港北港焦湖杜墅湖寺
湖鄭湖新豐湖辰溪自郡境入於金壇內莫家港丁
卯港北港俱於萬歷五年開濬

馬林溪在練湖西北引長山諸水入湖 萬頃洋在
郡西南與丹陽分界

運河東北水道 新港甘露港徒兒浦在郡東潤浦
亦在郡東潤州以此得名 西港丹徒港俱在丹徒
鎮並北通江 馬蝗港鐵猫港北通江萬曆七年濬
夢溪在郡朱方門外 鮮海港在郡通津門外 歸
水澳在郡中閘東 市河三 其一在城西諸山之
水匯而為澳由水西門經唐埠山後達京口港入江

一由鶴林門經道人橋北流右折者由社壇至右
軍寨與澳水合其左折者由皇祐橋至大園橋亦達
京口港入江 一由清風橋至朝真橋北流與皇祐
橋水合者則漕渠之溢水也

丹陽縣水利圖


西至丹徒

至南

三吳水考

五十五

至北



興宜

龍回

運河

打運

河運

開城呂

東至武進

河曲九

山經

山嘉

山沈

沙莊張

山管

江大

丹陽縣水道考

揚子江在縣東北自管山至嚴山凡二十餘里

運河即漕渠北自京口南流至夾岡入縣境穿城出南
水關經凌口逾柵口至呂城入武進界貫境內八十
餘里兩厓陡絕年濬年淤儲水灌漕惟練湖是賴故
湖禁與河工當並行而不悖者也節經萬厯五六等
年間分段開濬

運河西南水道 馬林溪在縣西北四十里受長山

八十四汊之水東入辰溪 辰溪在縣西北三十里
受馬林溪諸水入於練湖

後塘在縣西北一十五里

練湖在縣北百二十步周四十里本無原泉雨集則
羣山奔流宋紹興時中作橫堤禦水分為上下湖立
三閘使水徐下湖形本高於田既藉以障水環堤立
涵洞一十三處邑西南田盡資灌溉官為啓閉以防
多洩近湖民盜利告佃湖水不蓄漕餉告艱萬歷五

年闢治侵佔堅築隄防增建水碓閘座湖仍復舊

譚家塘在縣西三十五里 小吳塘在縣西二十五

里 白楊灣在縣西二十里 吳凌港在縣西十五

里 白鶴灣在縣西一十里 前塘在縣西五里

倒潭在縣西二里 譚塘在縣西南四十五里 舊

塘莊湖塘荒寺塘並在縣西南三十五里 雙溝南

溪並在縣南一里 瓦窰灣在縣南三里 浦里塘

在縣南五里 簡瀆在縣南五里 晉諶母元君擲簡

於此因名塘以此瀆置簡州 珥瀆河在縣南七里
即七里瀆通漕渠以達金壇 九源塘在縣南一十
五里柳茹塘在縣南二十五里

丁義瀆在縣南三十里白鶴溪口分派自南而北溉
田數千頃萬歷七年疏濬深濶 花家渡在縣南三
十里珥村河中 都波塘間塘干塘並在縣南三十
五里 南塘在縣南四十里 萬頃洋在縣南四十
五里與丹徒分界 太平河東通西門城濠西通萬

頃洋 左墓港萬柳塘萬涑塘九里塘姜塘並在縣

南四十五里 繳塘在縣南五十里 皇塘在縣南

七十里

符神塘在縣東南三十五里 老村塘在縣東南四

十五里 呂瀆港在縣東南五十四里東通運河

白鶴溪在縣南五十餘里亦名荆溪內通金壇縣之

運河源發於茅山貫宜興武進金壇丹陽四縣山水

發時開家河及長蕩延陵諸水奔注於荆城運河北

由七里橋珥瀆河而出中分自白鶴溪而出向因淤
澁於萬厯七年疏浚深通高低有備 相瀆在縣東
南六十里南通白鶴溪 吳塘在縣東南七十里周
四十里半入金壇界 趙塘在縣東南七十里 五
千塘萬建塘在縣東南八十里

運河東北水道 玉龍泉在縣東北四十里源出陳
山 桃花澗在縣東北四十里九靈山下 彭泉在
縣東北三十五里 漩灣在縣東北五十五里流入

九曲河 李成澗在縣東北三十里亦入九曲河

石潭在縣東北二十里 石潭村長灣在縣北一十

七里 北塘在縣東北一十五里 七里灣在縣東

北七里廟西 清水潭在縣東斜橋南 酒流灣在

縣東尚德鄉 灣溪在縣東一里

九曲河在縣東二里起漕渠抵江口委折七十里霖

潦則瀉以入江旱歲江潮泛漲亦可引入漕渠歲久

湮塞萬厯八年疏濬訖 邵塘在縣東五里 竅河

灣在縣東九里九曲河中 華塢溝在縣東一十二里入九曲河中 永樂塘在縣東十五里 蕭塘港費塘並在縣東二十五里 塌頂灣在縣東三十里 楊家塢在縣東四十里張溝在其北 長塘在縣東六十里 包港在縣東七十里南通九曲河北連大江

市河源出練湖自西斗門分流 一經廣濟橋 一經三思橋 一經至灣頭以達漕渠

金壇縣水利圖

西至句容

南至

周濟

白龍塲

白塘

建昌圩

天龍塲

高湖

陽漂

清水港

白石港

長蕩

燕子港

方洛港

大浦口

下蕩港

東至武進

金壇縣

錢資蕩

大塘


萬建塘

北渚蕩

柘蕩

白鶴溪

北至丹陽



金壇縣水道考

運河 東北自丹陽七里港經珥瀆河至荊城港入縣境凡九十餘里節經萬厯五七等年間分段開濬

直溪唐王溪 在縣西源發茅山分為二派南為唐王溪少北為直溪又北一派為薛埠港分流甓橋等瀆以入於大溪

高湖天荒蕩 在縣西北北通五中瀆南由周瀆以大溪

大溪 在縣西南上承了髻山茅山諸水東入於白龍
蕩

思湖 在縣南西承諸山溪合大溪東行入於洮湖

白龍蕩 在縣南北受荊城港白鶴溪諸水分流南洲
瀆古速瀆方洛港新河港湖溪港以入於洮湖

白鶴溪柘蕩北渚蕩 北受單塘運河諸水由謝塘湖

口瀆北洲瀆南行入於錢資蕩 錢資蕩在縣東內


有周公戴公二橋北受柘蕩北渚蕩諸水南入洮湖

南謝塘北謝塘莞塘西受白龍蕩北受錢資蕩諸水
東入洮湖

洮湖 在縣東南一名長蕩湖與宜興分界西納金陵
句容及溧水高淳溧陽諸山溪之水分流蓬塍河溇
湖及宜興之荆溪以入於太湖

洮湖西北諸河 有積水港白石港後瀆港新瀆港大
浦港鮑村港方洛港下湯港燕子瀆溫瀆港臧村港
等河

內徐村河 堵莊下流河 白橋下流河俱於萬厯九
年開濬深通



三吳水考卷五